

آبونه سرائطی

ممالك عثمانیه ده سنه لکی (۶۵) ، التي
آیلغی (۳۵) غروشدیر .
ممالك اجنبیه ده سنه لکی (۱۷) ، التي
آیلغی (۹) فرانقدر .

اداره خانه

باب های جاده سنده اورخان بك خاتنده
نومرو ۲۳-۲۶

اخطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ایدیلمه یین یازیلر
اعاده اولوغاز .

الکشاف

۱۳۳۰ ۱۳۳۱

اخطارات

رساله مزدن آلدیغی کوسترلك شرطيله
بتون یازیلر هر هالکی رغزته طرفندن
اقتباس اولونه یسیر .

§

مکتوبلرک ، امضارک واضح و
اوقوناقلی اولسی و آتونه صره
نومروسی محتوی بولونمسی لازمدر .

§

ممالك اجنبیه ایچون آبونه اولانلرک
آدرس لرینک فرانسه ترجمه ده یازلمسی
رجا اولنور .

§

پاره کوندردلرکی زمانه یه دائر ولدیغنک
واضحاً بیلدیرلمسی رجا اولنور .

والله یهدی من یشاء الی صراط مستقیم

دینی، علمی، ادبی، سیاسی هفته لقی مجموعه اسلامییه در

اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۲۲۷

۱۹ ربیع الآخر ۱۳۳۱

پنجشنبه

۱۴ مارت ۱۳۲۹

جلد ۱۰

اخذ ایدنلر بصیرت اوزره اوله مازلر ، هرکیم بویله اولورسه اوکیسه سیل رسولک غیری بر یولده اولدینی نصک حکمی ایله ثابت در .

(۷) — جناب پیغمبر طرفدن بزه بیان اولمیان شیلردن سؤال ایتمکدن قطعاً نهی اولدق . « یا ایها الذین آمنوا لاتسألوا عن اشیاء ان تبدلکم تسؤکم » صحیح مسلم ده ده شویله بیوریلیور : خطبنا رسول الله صلی الله علیه وسلم فقال : « ایها الناس قد فرض الله علیکم الحج فحجوا » فقال رجل — هو الاقرع بن جالس — اکل عام یارسل الله ؟ فسکت علیه الصلاة والسلام حتی قالها ثلاثاً فقال صلی الله علیه وسلم « لو قلت نعم لوجبت ولما استطعتم » ثم قال « ذرونی ما ترککم فانما هلك من کان قبلکم بکثرة سؤالهم علی انبیائهم فاذا امرتکم بشئ فأتوا منه ما استطعتم واذا نهتکم عن شئ فعدوه »

ابن حبان یوقاریده کی آیت کریمه ده بو خطبه اوزرینه نازل اولدینی بیان ایتمکده در . صلی الله علیه وسلم دیگر بر حدیثده ده شویله بیوریور : « ان الله قد فرض فرائض فلا تضیعوها ، وحد حدودا فلا تعتدوها ، وحرم اشیاء فلا تنهکوها ، وسکت عن اشیاء رحمة بکم غیر نسیان فلا تسألوا عنها » رواء الدار قطنی عن ابی ثعلبة الحشنی رضی الله عنه واورده النووی فی الاربعین وحسنه وصححه ابن الصلاح ورواه آخرون .

دقت ایدیورمیسک ؟ حال بوکه بو اوامر ونواهیئک هپسی دین اکال اولمازدن ، « الیوم اکملت .. » آیت کریمه سی نازل اولمازدن اول ایدی ؛ دین اکال اولمازدن اول بو یولده مأمور اولورسه دین اکال ایدلدکن صوکره بوکی اوامرایله ده موکد بر صورتده مأمور اولماز اولی اولماز می ؛ لکن زبو اوامر ونواهیئک هپسنه امتثال ایتمه دکده کند . یلکمزدن بر طاقم مسائل فرض ایدرک اونلرک ایچون ده احکام اختراع و بونلرک اوزرینه ده رأی ، قیاس خفی ، قیاس جلی نوعدن بر طاقم شیلر ایله استدلال ایتمه کالیفیشدن . هم ده غریبی شوکه : بونلر عقلک صلاحیتی دائره سنده اولمیان امور عباداته تعلق ایدیوردی . بناء علیه بو صورتله دینی توسیع ایدرک اونی پیغمبرک کتیرمش اولدینی شیئک اضعا ف مضاعفی قیلدق ده مسلمانلری نص قرآن ایله منافی اولان « حرج ومشقت » ایچنده براققدق . حال بوکه : بو یولده حرکت ایتک ایچون بعض فقهای تقلیددن بشقه هیچ بر دلیل مزده یوقدر ؛ او فقها که : سویله دکلری ؛ اللهم ، پیغمبرک سویله دیکنه صراحة مخالف بیله اولسه ینه اونلر اتباع ایدلمسنی اوزر مزه فرض قیلدکنز !!

مقلد : — نعوذ بالله ، نعوذ بالله ؛ یا هو ! بن سنی مذهب ظاهری دن کوریورم ؛ سن قیاسی انکار ایدیورسک . حال بوکه قیاس اصول بوراده دین دندر ؛ سن او یله زعم ایدیورسک که : ائمه کرام حضراتی « دین » خارجدن یعنی دین دن اولمیان بر طاقم شیلر علاوه ایتدیلر . او یله می ؟

محقق : — یا هو ! طور بقالم ، بر آرز مساعده ایت ! بن ؛ بر کره قیاسی انکار ایتمه یورم . فقط بن ده — علمانک دیدیکی کی — دیمک ایسته یورم که : امور تعبیده قیاس اولماز ؛ ینه دیورم که :

— عقائد کی — عباداتک ده هپسی حضرت پیغمبر زماننده تمام اولدی ، کمال بولدی . بناء علیه دینده عقائد متعلق برشی زیاده ایتک هیچ بر فردک حق صلاحیتی اولمادینی کی ، عباداته متعلق برشی زیاده ایتک ده هرکسک صلاحیتی خارجنده در . چونکه اعتقادات ، عبادات اودین در که : حقنده « الیوم اکملت لکم دینکم واتممت علیکم نعمتی و رضیت لکم الاسلام دیناً » بیورلمشدر . قیاس ایله خفیله ک استحسان دیدکلری امور کلنجه : لایق اولان بونلر ؛ معاملات کی ، قضا کی زمانک مکانک اختلافیه تخلف ایدن ماده لره مخصوصدر .

اما ، جناب حقک راضی اولدینی اعتقاد ایله عبادات بالطبع زمانک ، اختلافیه قطعاً مختلف اوله ماز ؛ اونلر عصر نبوی ده فصل ایدی ایسه شمیدی ده او یله اولق لازمدر . ایشته ائمه کرامه احترام ، اونلرک فضلنی اعتراف ، سوق ایتدکلری یوله کیتمک ایله برابر وحدت اسلامیه حقنده بیان ایده حکم رأی اوزرینه تقدیم ایتک ایسته دیکم مقدمه لک (۸) نجیسی ده بودر . شمیدی کله دیگر مقدمه لره :

(۹) : — بالذات ائمه کرام حضراتنک کنیدیلری ده انسانلری تقلیددن نهی ایدرک تقلیدی حرام قیلمشلردر ؛ بو بایده کی اقوال ائمه یی ایلری ده سکا اوقویه جفم . نتیجه یه کلنجه اوده .. !

مقلد : — (محققک کلامنی آغزنده براقهرق) بکا مساعده ایت ! آرتیق ذهمن بتون بتونه یورولوب آغیرلاشدی ؛ برده بو محاوره ده او یله شیلر ایشتم که اونلر هیچ قلبه له خطور ایتمه مشدی . رجا ایدرم بکا مهلت ویرده دلیل مقامنده کتیردیکک آیتلرک تفسیرینه ، سرد ایتدیکک حدیثلرک شرحلرینه مراجعت ایدهیم . کرچه هر نه قدر وقت آرز قلدی ایسه ده مناظره یی اتمام ایچون قربان بیرامندن اول تکرار کلیم . چونکه مقصد بیرام کونلرینی صحرا ده کچیرمک در .

محقق : — بونی سن ده یاییورمیسک ؛ حال بوکه بن بزم اهالینک ، باخصوص اشراف بلده نک بویله اهل و عیال ایله ، اقرباء و تعلقات ایله کولوب اویناسامق مستحب اولان بیرام کونلرنده اولرینی بوم بوش براقوبده کیتمه لرینی دائماً تنقید ایدیورم . لکن اهل و عیالی مملکتک خارجنده اولور ، کنیدیسی ده قصبه ده بروظیفه باشنده اولوب اونلری زیارت ایچون بوکی فرصتله انتظار ایدرسه اوبشقه . فقط سزک کیلره بو حاللری بک مناسب کوره میورم [بوندن صوکره یقین ده ینه برلشمک اوزره آریلوب کیتدیلر]

الْجَمَاعَةُ

نه وظیفهم

۳

اندلس — هانی او بر زمان ملیونلرجه اسلامی سینة شکران و محمدتنده طوتان ، سماند اینش بر فردوس جنان ، برکشور توحید ، برجهان عمران و عرفان شکنده ، بی نهایه مدارسی ، دارالفنونلری ،

اوچیز بیک جامی ، اوچیز بیک منبری ، اوچیز بیک خطیبی ایله یاشارکن بوکون تک برمسلمان کورمکدن ممنوع و محروم بولونان بدبخت اندلس - مشاهیر فضالاسندن عصرینک شمس العلماسی اطلاقنه شایان بالخاصه تفسیر وحدیثه بردریای بی کران اولان قاسم بن ثابت بن حزم: ابو محمد العوفی السرقطی حضرتلری طرف امیردن دعوت اولنور ، پدریله برلنکده کیدر . امیر ، مشارالیه مشیخت اسلامییه بی تکلیف ایدر؛ قبول ایتمز. پدرینک الحاح و ابرامی ده فائده ویرمز . فقط امیرک نهایتسن اصرارینی کورنجه اوچ کون مهلت ایستر ، کیدر سجدهیه قایانیر : «اللهم انی آثرت الموت والوصال الیک علی ما اکرهت فاقبضنی = اللهم ! بن یک آغیر ، مسئولیتی یک مدهش بر وظیفه مهمه یک قبولنه اجبار واکراه اولئیورم . بوکا ثولومی ، ذات احدیتک وصلتی ترجیح ایتم . روحی قبض ایت » دعاسنی رفع بارگاه صمدانیت ایدر . نیازی درحال مظهر قبول اولور . [۱] علیه سبحانه الرحمة .

عثمانلی تاریخندن ده نمونه اوله رق لایموت برناصیه علویتک ، برسیای فضیلتک ، برجهان مظفریتک ذکر ی لازم کلیرسه بن بلاتردد (قنیزه) فاتح ابدی الاشهراری مرحوم تیریا کی حسن پاشا حضرتلری کوستیرم . الکی قیصه افاده ایله عصرینک بو ابو عبیده الجراحی بر قاج بیک عثمانلی دلاور لریله قاپانندی (قنیزه) قلعه سنی یوز بیکلرجه اوستریا عسکرینه قارش ی مدافعه ونهایت او یاریم ملیونلق قوجه محاصر اردوسنی باشنده ایمپراطور فردیناند ایله برابر قهر و مضمحل ایدرک خائباً و خاسراً قاجیرتیر .

امثالی انحق صحابه کرامک دور جلیل فتوحاننده کوریلن بویله - مافوق البشر دینیه جک درجه ده - بر خارقه مظفریت صاحب حیدر شیمه سز نه مکانات لایق کورورسکنز ...؟

جناب غازی اعظمه طرف دولتن رتبه وزرات ایله متوج برمنشور تکریم کوندریلیر . ایمپراطور فردیناندک غالب قهار ی بوتوجه وجهیدن نمون اولورمی صانیرسکنز ؟ بالکس یک محزون ..! حتی یک دلخون ..! عجب ..! نه دن ؟

سببی ایجه اکلامق ایچین بر دقیقه قنیزه تاریخنی کوش وجدان ایله دیکلیه لم :

« فاضی دیر ، که : » برکون پاشا مرحومه کیتدم . چهره سنده اودرجه علامت ملال وار ایدی که ، کندینی اوکونک اوند بری درجه سنده محزون کورمه مش ایدم . بو حالنی نعوذ بالله در سعادتجه بروقه حدوثنه حمل ایتم . سبب کدرینی صوردم ، جوابنده « دهانه اوله جق ! قنیزه ده ایتدیکمز جزئی برخدتمه مقابل بزه وزرات ویرمشر وخط هایون کوندرمشر . حال بوکه قانونی سلطان سلیمان مرحوم مقبل ابراهیم پاشایی تفویض تام ایله وکالت مطلقه سنه تعیین ایتدیکی زمان یدینه یالکیز برمنشور اعطا ایشدی . پیاله پاشا مرحوم سلطان سلیم حضرتلرینک دامادی بولندی و محاربات بحریه ده کافه ملوک نصارتانک دونغالریته غلبه ایتک وساقیز فتحنه نائل اولق کبی بر جوق موفقیترلری کورلدیکی حالده کندیسنه وزراتی جوق کورمشر ایدی . خلیفه اسلامک خط هایونی قنیزه محاصره سنی کبی خدمات جزئییه مکافات اولغه باشلادی و دولت علیه یک وزراتی بنه کبی قوجه مش فرتوتلره قالدی . بوکا تأسف ایتیمده نهیه آجیهیم » دیشدی . [۲]

[۱] مواهب لدنیه شرحی جلد ۱ ص ۳۹۹

[۲] ادیب اعظم حضرت نامق کمالک (قنیزه) رساله سی .

کورسیور میسکیز ، دنیاده یک آز قوماندانلره نصیب اولان بویله بر فتح مینه ، بویله عالی بروطفه یک ایفاسنه موفق اولان ، اوشیرانه صیحه لری قنیزه افقارینی ایوم تیتیرمکده بولونان غازی اعظمک علو روحنه ! وظیفه بی تقدیر و تقدیس خصوصنده کی احتیاسات کالات پرورانه سنه ! سبحان الله ! انسان بر او مظفریتک جلال و عظمتی دوشونیور . برده بوسوزلری ایشیدیورده ادرا کی مدید بر سکنه حیره طوتولیور . « عصرینک بلکه بر جوق عصرلرک ممتاز و مستثنا قهرمان شیر دلی تیریا کی حسن پاشا عجباً انسان دکلدی ده انسان قیافته کیرمش بر ملک میدی ؟ » سؤالی بی اختیار لساندن دوکولیور !

اگر اسلامیت بودرجه علوی بر صورتده مؤمن و معتقدلرینه تعلیم و تفهیم ایتکده اولدینی (وظیفه) یه اسلاف قدر حتی اسلافک اوند بری نسبتنده اخلاف ده نظار تعظیم و تکریم ایله باقش ، یوکسلمک ایچین درک اسفل حرص و طمع ده دوشمه مش ، هرکس قانون حیاتی بیلوب کمال انقیاد و اطاعتله بولوندینی موقع عضویتنده فعالانه ، حد شناسانه چالشمش اولایدی بوکون عالم اسلام هانده عمومی بر اسارت ، بر محکومیه بدل لواء الحمد توحید و اتحاد آلتنده یکپاره بر محیط حاکمیت ، برجهان حریت ، بر وجود شوکت و عظمت اوله رق حیات اجلال واستقلال ایچنده یاشاردی !

دین فطرت اولان قانون اسلامیت ، دستور مدنیت ، اومر بی روح ، اومر شد وجدان کندیسنه صمیم قلبیه ایمان ایدن انسانلری مکتب عرفاننده ایشسته بویله تربیه ایدر ؛ بویله خضیف بشریتدن عرش انسانیه چکر چیقاریر .

مسلمانلر وظیفه ناشناس ايسلر ، مقبره جهالت و مسکنت ایچنده ثولولری تنظیر ایدیورلرسه اوقصوری اسلامیتده دکل کندیلرنده آراملیدر . قانون میدانده ؛ فقط اطاعت ایدن کیم ؟ کونش هرکون نشر انوار ایدیور ؛ انسانلر یاراسه قوشی اولورده اونک ضیاسندن قاراقلرله قاجارسه ضررینی حیاتلریله ئوده لرلر . کونش ، ینه اوکونش . ضیا ، ینه اوضیا .

زواللی انسانلر ؛ بدبخت مسلمانلر ! « افحسبتم انما خلقناکم عبداً وانکم الینا لارجعون ؟ » سزظن ایدر میسکیز ، که بزمی حکمتسنز ، فائده سنز ، وظیفه سنز یاراتدق و - نهایت - بزه رجوع ایتیه جکسیکیز ؟ صانکه مهمل متروک اوله رق قابوب قویوریلش ، آراتیه جق ، چاغریلیه جق افعالمزدن صوریلیه جق ایشزکی هر بریز سراپا جانلی بروطفه سزک ! بر عطات ! بر مسکنت !

باقیکز شوحدیث شریفه ! شوخبر صادق ! شومدهش حقیقت مستقبلیه : « لویعلم المرء ما یتیه بعد الموت ما اکل الکله ولا شرب شربة الا رهوبکی و یضرب علی ظهره . = انسان ، ثولدکن صوکر ا باشنه نه لرکله جکنی ، نه شدتلی محاسبه لره ، نه هول انکیز معاتبه و معاقبه لره معروض قاله جغت ییلسه برلقمه اتمک ، بریودم صو بوغازندن کچمز ؛ الا آغلاپه رق ! سینه چاک ایدرک ! جامع صغیر . »

اك بويوك وموفقتيلى حربلىمىزده خسته لىقن بىكلىرجه انسان تلف اولدى . بوتلفات قورشون يارمىسى تأثيريله دكل ، باقىله مامق ، نداوى ايديله مەمك ، ارشاد ايديله مەمكدن متولد ايدى . خسته لق يوزندن بويوك ومدهش اردولر چوق كره ضعيف ومتوكل قالمشلدرد . بوكا مانع اولمق ايجوندە هلال احمر برتشيكلاتدر .

ديمك مدافعه مليه ودينه ده هلال احمر ك وظيفه سى غايت علوى ، غايت مقدس در . برعسكر يارالاندني ، خسته لاندني ، ضعيف دوشديكي زمان جانله باشله باقىله جفنه قانع اولورسه حربده داها بويوك نشئه ايله ايلرلر ، كوزونده ظفر دومانلري داها چوق توتر .

صحيه تشكيلاى مكمل اولان ملتدرده خسته لق وامراض مستوليه تأثير وتخريني كوستره مز ، كوستره دخي غايت چابوق اوكي آليغر . چونكه هلال احمر دائما ، فعاليتله اردو ، آلاى ، فرقه ، طابور آراسنده بىكلىرجه عضوى ايله طولاشير ؛ عسكده صهي نصايح ويرير . نظافت توصيه ايدر ؛ اوراق برخسته لق ، بويومى ماملول بر ساريك كورورسه درحال محو وافناسى چارمسه توسل ايلر .

اردونك تشكيلات ، ترتيبات وتجهيزاتنه باشلانير كن صحيه وهلال احمر تشكيلاتنه باشلامق لازمدر . حكومت بوني نظردقته آلديني ايجوندركه طيه مکتبلى وصيه بلوكلى تشكىل ايلور .

فقط هر مملكتده اولديني كي صحيه هيئتلى بو خصوصده هيچ بر وقت كافى كله ميور ؛ خصوصى تشكيلات وتأسيسات ايجاب ايدر ، مملكتمىزده هلال احمر تشكىلى وبرچوق خدمات نافع ابراز ايله مەسى بواحتياج قطى دن نشأت ايدر .

هلال احمر نه قدر زنكبن اولسه آرزو اولديني كي ايش كوره مز . پارهك بول اولمەسى كافى گلز . چونكه هلال احمره پاره دن زياده بدنى معاونت لازمدر . انسان ايكي كونده طيب وجراح اولاماز ؛ حرب زمانلرندە خدمات عموميه وقف حيات ايدن اطباءه يا امداده يتيشير ، يا يتيشه مز ، يتيشنلر كافى مقدارده اولمەز . كله دم دوكتوردن زياده محتاج اولديغىمىز خسته باقىجىلره ؛ خسته باقىجىلىق غايت ايجه برصنعت در . لا على التعين سوقاقده ياقالانان بر آدمى ، ياخود برايكى درسه باقىجىلغە واقف بر افندى يي خسته باقىجى ياپارسه ق مقصده واصل اولمش اولاماز . برادر دو ناصل انتظام وترييه ايله يتيشديريلور ايسه خسته باقىجىلرده عين اهتمامه يتيشديريله ليدرلر .

هلال احمر تشكيلاى اعتباريله دنيا ده اك كرى برملت اولديغىمىز سويلرسهك جانمىز صيقلماملى در . مصر وهندستان كي ممالك اسلاميه دن كلن هلال احمر هيئتلى هم بزدن داها منتظم ، هم عددآ داها چوقدر . تا هندستانك فلان بلده سندن ، مصرك فلان يرندن هلال احمره خدمت ايدەك فداكار انسانلر كلدى ده قوتيه دن ، ازيردن ، اطنه دن ، حلب دن ، ديار بكر دن كەدى . بوكاده سبب هلال احمر ك خدماتى حقنەده كي جهالتى ايله بو باده اولدن برى حاضر بولمايشمىزدر . هلال احمر خدماتى همان ايفا ايدەك هيئات مجتمعه لىر ،

سينه كده برخزينه حيات وار ؛ بوني سكا كيم ويردى ؟ يوقسه كندىلكندىمى ؟ خير ، خير ! بوني سكا ويرن ، احسان ايدن وار . ايشته اومحسن بركون سكا اوخزينهك نره يه صرف ايتديكنى صوراجق ، موشكافانه حسابى ايتيهك ؟

ايشته سكا بر حجة قاطعه : « فور بك انفسلهم اجمعين عما كانوا يعملون . = (رب) لك جلال وكبرياسه قسم ، كه براونلرك هپسنى بوتون اعمال وافعاللارندن مسئول طوتا جنز . »

ايشته بوندن دها واضح ، دها مفصل ، دها دهشتناك اولمق اوزره بردها : « ووضع الكتاب فترى المجرمين مشفقين صافيه ويقولون يا ويلتنا ما لهذا الكتاب لا يغادر صغيرة ولا كبيرة الا حصاها ووجدوا ما عملوا حاضراً ولا يظلم ربك احداً . = فرداى قيامتده هر كسك دفتر اعمالى انه ويريلهك ؛ مجرملر دفترلرينك محتوياتندن قورقاراق ، اللرى زانغير زانغير تيتريه رك خلعجان قلبلر ، چارپيتيلر ، خفقانلر ايجنده اونلرى آلوب كوز كزديره جكلر . ايشته او دقيقه ده جان خراش بر فرياد قوپاراجكلر : « واى باشمزه كلنلر ! آيوام . . . بو نصل دفتر . . . دنيا ده ايشلديكمز شيلرك اك كوچكندن اك بويوكنه قدر هيچ برى قاچيرمامش ؛ هپسى يازيلي ! هپسى مضبوط ! » جزاى عمللرينده اوراده حاضر بوله جكلر . حكم مجازات ويريلش ، ايش بتش . الله ، هيچ بر كيمسه يه ظلم ايتمز . هر كسك چكديكي كندى عمليدر . .

آه . . . اولوم ، سن اودهشتلى كونك ساحه هولنا كنى كورمىن بر دورلو اينانمق ايتمينلر ايجين نه اسرار انكيز ، نه جانكدا زبر حجابسك ! نهوت ! كوره جكلر ؛ فقط ايش ايشدن كچمش بولنه جق !

م فخر الدين



« چلبى افندى يه آچيق مکتوب مناسبتيله هلال احمر ، »

كچلرده محترم سبیل الرشادده هلال احمره دده افنديلركده معاونت ايتمه لريچون محترم برادرىمىز ع . فريد بك طرفندن بر آچيق مکتوب يازيلشيدى . بو آچيق مکتوبى غايت مهم ومدافعه مليه نقطه نظرندن فوق العاده جالب دقت كورديكىمىز بوباده براق سوز سويله مك وايشك قدر وقيمتى بويوكلر عىزك قولاغنه طوبورمق ايتيديم . حرب ، دين ومليت ايجون لازم وفرض در . رفاه وسعادتي ايتييورسه ق دائماً حرب حاضر بولونمالى در . حرب طويجى ، پياده ، متراليوز ، سواري ، استحكام ودكز قوتلريله حاضر لانمق قطعياً كافى دكلر . اك موفقتيلى ، ظفرلى محارب لرده بيله يوزلرجه ، بىكلىرجه يارالى وشهيد ويرمك ضرورى ، بلهك غالييتك لزوم مبرمنددر . قواى مظفره ايلرلر كن دائماً كرى يه ياراليلرني ، ضعفاسنى ترك ايدر . مغلوبيت زمانلرندە ايسه ياراليلر وضعفا دشمنك بى رحم النده ياداوى ايديلير ويا ايديلز . شوايكى حالده ده هلال احمر بويوك عامل اولور .